

bilissimo entium animam excellentissimam, quocumque angelo superiorem, quæ totius curam gerat.

Hinc colligitur, mundum habere spiritum, qui est cœlum, crassum corpus, quod est terra, sanguinem, qui est mare, mentem isthac animam.

Cœlum stellæque ignis natura constant, ac sentiunt: calor enim sensitivus est; ex quo constat, cœlum stellasque sensu acutissimo præditas esse.

Non inepte existimandum videtur, stellas mutuo significare proprias alteram alteri conceptiones, dum lucem quæque suam in alteram transfundunt.

Sensum habent lux, ignis, tenebræ, frigus et terra.

Omnes aquæ et liquores sentiunt, quia a calore generantur et informantur.

De sensu plantarum nemini dubitandum est, cum vescantur, nutriantur, crescant, semina et natos producant. Sed et ligna sicca sentiunt; vi enim inflexa et relicta sibi resiliunt, contrariam enim positionem odio habent et refugiunt¹.

Observatio:

Philosophis cunctis, tam in hocce, quam in præcedenti paragrafo enumeratis, præiverat quodammodo atque exemplum dederat Raymundus Sabunde, eximius Hispaniæ phi-

les théories de la génération... L'éducation est la même pour tous les solariens, et l'ordre des mérites détermine la hiérarchie des pouvoirs. Le grand métaphysicien est la première capacité du pays... Du reste, tout est commun dans la Cité du Soleil, logements, lits et dortoirs... Le travail est commun aussi; seulement les magistrats en font la distribution, soit entre les sexes, soit entre les individus, de manière à ménager les forces et à concilier les aptitudes... Comme Morus, le moine de Calabre ne veut pas que l'argent monnayé ait cours dans sa ville imaginaire; il admet seulement qu'il puisse servir aux échanges avec l'étranger.» Reybau, *Etudes sur les Reformateurs socialist. moder.*, t. II, pag. 74-75.

¹ Apud Brucker, *Hist. Philos.*, t. IV, pag. 136 et seqq.

losophus, qui, Barcinone natus circa dimidium sæculi decimiquarti, e vivis excessit anno 1432. Etenim, hispanus hic philosophus *Theologiam naturalem* scripsit, in qua de Deo, de homine, de mundo egregie atque solide disserit, stilo non ineleganti, methodo potius oratoria quam scholastica, atque coævorum Scholasticorum vitia et defectus devitando: unde ejus opera haberi possunt tamquam protestatio et reactio quædam adversus vitia, quæ in philosophia scholastica irrepere cœperunt post Durandum et Occamum.

ARTICULUS PRIMUS.

Philosophia Baconis et Cartesii.

Duo hi philosophi, a mente, via et doctrina eorum, qui philosophiam scholastico-christianam vitiis purgare atque instaurare pertentantur, declinantes, eadem e medio tollere aggressi sunt. Quapropter de ipsorum philosophia distinctis paragraphis agemus. Sit itaque

§ I

Philosophia Baconis.

Franciscus Baco, Londini in Anglia natus 1561, mortuus vero 1626, hæc, inter alia, docet:

a) *Philosophia*, quæ hucusque vix quidpiam veri aut solidi continet; quod quidem afficit non modo scholasticam philosophiam, quæ prorsus contemnenda, utpote syllogismis, abstractionibus, ac commercio cum theologia infecta, sed philosophiam veterum, etiam nobiliorum, ut Platonis et Aristotelis, qui potius sophistæ quam veri philosophi¹ existere.

¹ "Je ne hésiterai donc pas à vous dire que je place Platon et Aristote parmi les sophistes, mais d'un rang relevé et réformé,

b) Nec veram scientiam, nec veritatem ullam homo valet adipisci, nisi a veterum principiis ac methodo inquirendi veritatem penitus recedat ¹.

c) Igitur ad veram philosophiam et ad cunctas scientias constituendas et perficiendas, opus est demonstrationes *a priori*, conceptus universales, idearum abstractionem ac methodum deductionis prorsus rejicere, observationi sensibili, experimentis, ac inductionis methodo unice insistendo.

d) Etenim, nec logica hucusque tradita, nec syllogismus quidpiam conferre valent pro scientifica veritate detegenda aut perficienda; immo vero, usus eorumdem scientiis ac veritati officit, solumque prodest tum ad errores firmandos, tum ad notiones falsas et inutiles vestigandas et tradendas ².

e) Ast vero, scientiarum adinventio et progressus foventur præterea maxime: 1.^o per separationem philosophiæ a theologia; illa quippe per hujus influxum seu contactum corrumpitur (depravation de la philosophie, qui resulte de son melange avec la theologie et les opinions superstitieuses) et

car je ne vois pas de difference., *Œuvres de Bacon*, edit. Buchon, pag. 472.

¹ "Nous prononçons qu'on ne saura jamais rien, tant qu'on persistera dans la voie où on a marché jusq' à ce jour," *Ibid.*, pag. 435.

² "Cette logique, dont l'usage n'est qu'un abus, sert beaucoup moins à faciliter la recherche de la vérité, qu'à fixer les erreurs qui ont pour base les notions vulgaires; elle est plus nuisible qu'utile. Le syllogisme n'est d'aucun usage pour inventer ou vérifier les premières principes des sciences. Ce serait en vain qu'on voudrait l'employer pour les principes moyens: c'est un instrument trop faible et trop grossier pour pénétrer dans les profondeurs de la nature... Il ne reste donc d'espérance que dans la véritable induction, qui peut seule nous bien diriger dans une totale restauration, devenue indispensable.

Rien de plus faut ou de plus hasardé de la plupart de notions reçues... telles que celles de substance, de quantité, d'action, de passion, et la notion même de l'être; tout cela ne vaut rien, absolument rien... *Ibid.*, pag. 272.

facile depravatur; 2.^o per analysim et dissectionem materiam naturæ, vestigiis insistendo Democriti ejusque scholæ (à l'exemple de Démocrite et de ses disciples; école qui a su beaucoup mieux que toutes les autres y pénétrer et l'approfondir); 3.^o mentis aciem avertendo a rebus metaphysicis et spiritualibus naturis, atque eam convertendo præsertim ad materiam ejusdemque accidentia et transformationes ¹; notiones enim et conceptus rationis puræ tamquam figmenta (de vraies fictions) habendi sunt.

§ II.

Philosophia Cartesii.

Cartesius (Renatus), natus Hagæ 1596, et mortuus in Suecia, ubi a regina Christina appellatus fuerat, anno 1650, libertatem *examinis* a Luthero propalatam, ac independentiam humanæ rationis, quæ cœvis hominibus ex influxu Protestantismi inceperat placere, in philosophiam invehere totis viribus est aggressus: unde non immerito ut parens recentioris philosophiæ, jugum et directionem christianæ religionis excutientis, habetur. Quamvis difficillimum valde sit hujus auctoris philosophiam brevi oratio ne perstringere, quia contradictoria frequenter habet, ejus spiritus et præcipua dogmata hisce continentur:

a) Qui veram philosophiam acquirere optat, nec veterum libros consulere debet, nec hucusque traditam addiscere, sed proprio Marte ac ex individua ratione eam integram educere debet et valet.

b) Quod ut assequatur, expedit, ut omnia penitus, quæ hucusque ut vera et indubia habuit, in dubium revocet; quoniam «quidquid hactenus ut maxime verum admisi, vel

¹ "Le sujet auquel il faut principalement s'attacher, c'est la matière même, aussi que ses différentes textures et ses transformations." *Ibid.*, pag. 278.

a sensibus vel per sensus accipi; hos autem interdum fallere deprehendi, ac prudentiæ est nunquam illis conficere, qui nos vel semel deceperunt»¹.

c) Nihilominus «animadvertens, dubitare non posse, quin saltem substantia dubitans sive cogitans existat, hoc usus sum tamquam saxo, in quo philosophiæ meæ fundamenta locavi»². Fundamentum itaque et origo totius philosophiæ repeti debet ex facto isto conscientiæ: *ego cogito, ergo sum*; cujus proinde integra philosophia quædam est veluti evolutio.

d) Cogitatio porro non est actio solius intellectus, sed voluntatis, passionum et sensuum.

e) Dei existentia et natura perspicue demonstrantur et agnoscuntur ex ejusdem idea, quæ nobis est innata, et quam in nostra conscientia reperimus; in qua claram, distinctam et intuitivam Dei notitiam habemus, non secus ac nostri³; illud autem habendum est ut verum, quod in ejus idea clare et distincte continetur.

f) Atque hinc Deus unica vera existit substantia; namque «per substantiam nihil aliud intelligere possumus quam rem, quæ ita existit, ut nulla alia re indigeat ad existendum. Et quidem substantia, quæ nulla plane re indigeat, unica tantum potest intelligi, nempe, Deus»⁴.

Notare hic liceat, priusquam ultra progrediamur, Cartesium tribus prioribus pronuntiatis viam sternere scepticismo et sensualismo; quarto vero fundamenta jacere ontologismi Mallebranche et Gioberti; quinto denique viam sternere Spinozæ atque reliquis pantheismi asseclis: omnibus quinque simul rationalismum appellare et invehere, dum doctrinam, auctoritatem et traditionem philosophiæ christianæ parvi

¹ *De Princ. Phil.*, cap. I.

² *De Method.*, cap. IV.

³ «L'idée de Dieu nous est innée comme l'idée du moi... Il soutient donc qu'il y a une connaissance intuitive de Dieu.» Apud Ritter, *Hist. de la Phil. Moder.*, t. I, pag. 33.

⁴ *Princip. Phil.*, cap. I.

facit, atque ab eis et discedit ipse, et discedendum aliis prædicat, dum statuit, privatam solum rationem in philosophicis sectandam et consulendam. Quos quidem errores vel firmat et evolvit, vel aliis novis adauget:

g) Dum, postquam constituerat criteriū veritatis in notione clara et distincta, scribit: «omnis scientiæ certitudinem et veritatem ab una veri Dei cognitione pendere, adeo ut, priusquam illum nossem, nihil de ulla alia re perfecte scire potuissem»¹. Quæ certe doctrina et ontologismo favet, et apertum circulum vitiosum præ se fert, immo et contradictionem, cum, apud ipsum, veritatis philosophicæ inquisitio universale dubium ac sigillatim circa Dei existentiam præexigat.

h) Dum docet, quod «animus adeo a temperamento et organorum corporis dispositione pendet, ut, si ratio aliqua possit inveniri, quæ homines sapientiores et ingeniosiores reddat quam hactenus fuerunt, credam, illam in medicina quæri debere»². Nimirum, apud Cartesium, principia et fundamenta scientiæ moralis ex medicina atque ex physica eruere oportet; siquidem, «sunt physicæ veritatis³ fundamentum altissimæ et perfectissimæ ethicæ;» quo nil certe aptius pro schola sensistarum scribi potuit⁴.

i) Dum docet: I.^o «sensuum perceptiones non referri nisi ad istam corporis humani cum mente conjunctionem, non

¹ *De Princ. Phil.*, cap. IV.

² *De Hom.*, cap. IV.

³ *De Method.*, cap. VI.

⁴ «Il déduisait de la physique les principes de l'éthique le plus profonde; il penchait, à la façon d'un Cremoninus et d'un Hobbes, vers l'opinion que la médecine seule pourrait rendre les hommes plus sages et plus prudents; aussi avons-nous des raisons de croire que les embarras que de telles vues auraient pour lui susciter de la part des doctrines morales theologiques étaient la principale cause de sa répugnance à s'engager sur ce terrain.» Ritt., *Loc. cit.*, pag. 24.

autem nos docere, qualia in seipsis (corpora) existant»¹; unde alibi concludit, «ne quidem ipsa corpora proprie sensu percipi, sed solo intellectu;» 2.^o sensibiles perceptiones meas esse occasiones idearum et notionum intellectualium; «sensuum enim organa nihil nobis tale referunt, qualis est idea, quæ illarum occasione formatur; et sic idea ista debuit esse antea in nobis»². Immo vero, «si considerem, subdit ille³, hominis corpus, quatenus machinamentum quoddam est ex ossibus, nervis, musculis, venis, sanguine et pellibus ita aptatum et compositum, ut etiamsi nulla in eo mens existeret, eosdem haberet omnes motus, qui nunc in eo, non ab imperio voluntatis, nec proinde a mente procedunt, etc.» Qua doctrina, ut facile quisque videt, Cartesius et idealismo Berkeley, et occasionalismo malebranchiano, et harmoniæ præstabilitæ Leibnitz, viam sternit.

j) Dum docet similiter: 1.^o rejiciendas esse causas finales; 2.^o mundi constitutionem ex materia et mechanico motu unice explicandam; 3.^o corporibus nullas vires vere activas inesse, sed determinatam solum motus quantitatem, quam Deus ab initio materiæ contulit, ac semper conservat.

k) Dum docet præterea: 1.^o corporis essentiam in sola extensione sitam esse, ac proinde cum spatio identificari; vacuum metaphysice repugnare; mundum indefinite extendi; 2.^o essentiam rationalis animæ in actuali cogitatione consistere; 3.^o arbitrii libertatem nullis limitibus circumscribi; 4.^o voluntatem latius quam intellectum patere, ita ut velle possit, quæ minime intelligit, qua sane doctrina corrumpit vulgatum illud: *nihil volitum, quin præcognitum*. Nullis arbitrii libertatem limitibus circumscribi experior... Indifferentia, quam experior, est extremus gradus libertatis. Nascuntur

¹ *Princ. Phil.*, cap. II.

² «L'excitation du corps doit uniquement fournir une cause occasionelle au développement de nos idées pures.» Ritter, *Loc. cit.* pag. 65. *Ibid.*, cap. I.

³ *De Method.*, cap. III.

mei errores ex hoc uno, quod, cum latius pateat voluntas quam intellectus, illam non intra eosdem limites contineo, sed etiam ad eam, quæ non intelligo, extendo;» 5.^o bruta animantia esse mera automata, sensu penitus privata; 6.^o Deum rerum essentias mutare, et contradictoria vera simul efficere posse.

l) Tandem, dum, contradictoria simul amplectens, ac sibi minime constans, scribit circa substantiam, uno in loco: «substantiæ enim nequeunt esse non completæ:» in alio vero: «Animam et corpus hominis esse substantias incompletas.» Circa conjunctionem animæ et corporis: «Quæ ad animæ et corporis conjunctionem pertinent, non nisi obscure per intellectum, aut etiam per intellectum imaginatione adjutum cognoscuntur, sed per sensus clarissime.» Alibi: «Non mihi videtur, ingenium hominum posse distincte et simul concipere distinctionem corporis et animæ eorumque conjunctionem; ad hoc enim concipi debent ut unum quid, et simul ut duo diversa, quod repugnat.» Circa ideas innatas, quandoque ut tales agnoscit omnes ferme, quas habemus; quandoque contra asserit, quod «paucissimæ sunt ejusmodi notionis»¹.

§ III

Observationes in philosophiam Baconis et Cartesii.

1.^a Baco et Cartesius conveniunt 1.^o in eo, quod uterque sibi proposuit scientiam naturalem a theologica et veritate revelata separare, simulque philosophiam scholastico-christianam e medio tollere. Conveniunt 2.^o in despiciendis et parvi faciendis veterum philosophorum, Patrum Ecclesiæ et Scholasticorum sententiis et operibus. Conveniunt 3.^o, quatenus uterque viam paravit, communivitque magnis erroribus modernæ philosophiæ, tum propter exaggerationem

¹ Vid. Ritter, *Op. cit.*, pag. 33 et 63.